



FINAL EXAMINATION
MARCH 2023

COURSE TITLE	BAHASA KEBANGSAAN A
COURSE CODE	MPU2213
DATE/DAY	20 JUNE 2023 / TUESDAY
TIME/DURATION	09:00 AM - 11:00 AM / 02 Hour(s) 00 Minute(s)

INSTRUCTIONS TO CANDIDATES :

1. Please read the instruction under each section carefully.
2. Candidates are reminded not to bring into examination hall/room any form of written materials or electronic gadget except for stationery that is permitted by the Invigilator.
3. Students who are caught breaching the Examination Rules and Regulation will be charged with an academic dishonesty and if found guilty of the offence, the maximum penalty is expulsion from the University.

(This Question Paper consists of 7 Printed Pages including front page)

*****DO NOT OPEN THE QUESTION PAPER UNTIL YOU ARE TOLD TO DO SO*****

Jawab SEMUA soalan yang dikemukakan dan tuliskan jawapan dalam kertas jawapan yang disediakan. [30 MARKAH]

Pilih dan tuliskan jawapan yang paling TEPAT. (10 Markah)

1. Bahasa Melayu terletak dalam keluarga bahasa _____.
 - A. Polinesia
 - B. Melanesia
 - C. Nusantara
 - D. Mikronesia

2. Yang manakah SALAH mengenai Austronesia?
 - I Austronesia Barat terdiri daripada Nusantara.
 - II Austronesia Timur terdiri daripada Nusantara.
 - III Keluasan Austronesia merangkumi Kepulauan Australia, Kepulauan Easter, Kepulauan Taiwan dan New Zealand.
 - IV Keluasan Austronesia merangkumi Kepulauan Madagaskar, Kepulauan Easter, Kepulauan Taiwan dan New Zealand.
 - A. I, II
 - B. II, III
 - C. III, IV
 - D. I, IV

3. Bahasa Melayu sebagai *lingua franca* mencapai zaman kegemilang pada abad ke-_____.
 - A. 1
 - B. 3
 - C. 7
 - D. 13

4. Padanan yang manakah paling TEPAT mengenai teori asal usul orang Melayu?

	Nama pengkaji	Teori
A.	Hendrik Kern	Bahasa Melayu berasal dari Assam kerana persamaan adat resam dengan suku kaum di Sumatera.
B.	P. Bellwood	Tanah asal nenek moyang rumpun penutur bahasa Austronesia ialah dari Kepulauan Sunda.
C.	William Marsden	Asal usul keturunan penutur bahasa Melayu ialah dari kepulauan Taiwan.
D.	James T. Collins	Menyatakan bentuk penghijrahan bangsa Melayu berlaku secara Melayu proto dan Melayu deutro.

5. Tulisan _____ telah digunakan selepas pascakolonial.
- rencong
 - rumi
 - jawi
 - kawi
6. Usaha kerajaan untuk menjadikan bahasa Melayu sebagai bahasa kebangsaan dan bahasa rasmi negara melalui:
- pentadbiran kerajaan dan pendidikan
 - pentadbiran kerajaan dan ekonomi
 - sosial dan pendidikan
 - ekonomi dan pendidikan
7. Maksud simpulan bahasa 'hati batu' ialah _____.
- tidak memakai kasut
 - sikap degil seseorang
 - sikap pemalas
 - hidup keseorangan
8. Fungsi bahasa Melayu moden melalui:
- bahasa komunikasi
 - bahasa kebangsaan
 - bahasa rasmi
 - bahasa perpaduan
- I, II, III
 - I, II, IV
 - II, III, IV
 - Semua di atas
9. Perkara _____ mengiktiraf bahasa Melayu sebagai bahasa kebangsaan dan bahasa rasmi negara.
- 152
 - 153
 - 154
 - 155

10. Apakah maksud peribahasa 'bagai murai dicabut ekor'?
- A. Sangat sedih
 - B. Sama padan dan secocok
 - C. Orang yang banyak bercakap
 - D. Wajah perempuan yang sangat cantik
11. Ayat yang mengandungi kesantunan berbahasa yang **BETUL** ialah _____.
- A. Ali sedang kencing di dalam tandas.
 - B. Halimah sudah berbadan dua.
 - C. "Kamu sangat baik" kata Kim Sew kepada cikgunya.
 - D. "Dia dianugerahkan pangkat sebagai profesor semalam" kata Bashir kepada Ahmad.
12. Tujuan peribahasa adalah untuk _____.
- I menyinggung perasaan seseorang
 - II menambah nilai sastera dalam bahasa Melayu
 - III menyembunyi perkataan yang ada nilai perasaan marah
 - IV menghuraikan sistem adat Melayu
- A. I
 - B. II
 - C. III, IV
 - D. II, IV
13. Penggunaan kata hubung yang **BETUL** dalam ayat yang berikut ialah:
- A. Dia bukan sahaja rajin dan baik hati atau peramah orangnya.
 - B. Ibu saya tetapi ayah saya pergi ke muzium itu pada minggu lalu.
 - C. Kakak saya sering mendapat pujian kerana kecantikannya.
 - D. Kamal dan Faiz dan Fahmi bersahabat baik sejak kecil lagi.
14. Antara yang berikut, perkataan yang manakah berpola KV+KV+KVK?
- I Belukar
 - II Masalah
 - III Senangin
 - IV Sempurna
- A. I dan II
 - B. I dan IV
 - C. II dan III
 - D. II dan IV

15. Ejaan yang **BETUL** ialah _____.
- A. analisa
 - B. merbahaya
 - C. kuehtiau
 - D. biadab
16. Perkataan yang mengandungi diftong bahasa Melayu ialah _____.
- A. piano
 - B. daun
 - C. sekoi
 - D. taat
17. Sikap Cik Suraya Murai yang _____ menyebabkan rakan sekerjanya berasa tidak selesa semasa bercakap dengannya.
- A. cakap lepas
 - B. duri berbisa
 - C. adu domba
 - D. mulut tempayan
18. Banyak orang mengatakan bahawa bencana alam yang berlaku ketika ini berpunca _____ kerakusan manusia memanipulasi sumber alam.
- A. dari
 - B. daripada
 - C. pada
 - D. oleh
19. Para pedagang yang berlabuh di Melaka menggunakan _____ untuk berkomunikasi antara satu sama lain.
- A. bahasa Melayu
 - B. Bahasa Melayu
 - C. Bahasa melayu
 - D. bahasa melayu

20. Pilih ayat-ayat yang menggunakan perkataan berhuruf condong dengan **BETUL**.

- I Kami berasa lega apabila dapat *melurutkan* kaki di dalam khemah selepas berkawal sepanjang hari.
 - II Fawwaz Amir *melurutkan* padi daripada tangkainya untuk dimasukkan ke dalam bekas.
 - III Zafri Aiman terpaksa *melurutkan* kertas yang telah direnyuk itu untuk membaca catatan di dalamnya.
 - IV Sebelum mandi di air terjun, gadis itu *melurutkan* cincin di jari manisnya.
- A I, II dan III sahaja
B I, II dan IV sahaja
C I, III dan IV sahaja
D II, III dan IV sahaja

Jawab SEMUA soalan yang berikut.

(20 Markah)

1. Laras bahasa ialah subset sesuatu bahasa yang digunakan untuk tujuan yang tertentu. Berdasarkan *gambar rajah 3*, jawab soalan yang dikemukakan.



Gambar rajah 3

a) Apakah laras bahasa yang digunakan dalam *gambar rajah 3*? (1 markah)

b) Jelaskan DUA (2) ciri-ciri laras ini? (4 markah)

2. Bina **SATU (1)** ayat yang sesuai berdasarkan peribahasa di bawah. (6 markah)
- a) ada bakat
 - b) naik angin
 - c) bagai aur dengan tebing
 - d) kacang melupakan kulit
 - e) mengembirakan
 - f) tunggang-langgang
3. Berikan **LIMA (5)** ciri-ciri yang perlu ada untuk menjadi pengacara majlis. (5 markah)
4. Bagaimanakah anda menjelaskan makna kata *kecil* yang digunakan dalam ayat-ayat yang berikut? (4 markah)
- a) Dia paling *kecil* dalam keluarganya.
 - b) Jalan *kecil* itu tidak boleh dilalui oleh kenderaan yang berat.
 - c) Koleksi barang peribadinya itu tidak muat untuk disimpan di dalam almari *kecil* itu.
 - d) Ada beberapa masalah kecil yang perlu diselesaikan sebelum pelan itu diluluskan.

*** KERTAS PEPERIKSAAN TAMAT ***



FINAL EXAMINATION

MARCH 2023

COURSE TITLE	BAHASA KEBANGSAAN A
COURSE CODE	MPU2213
DATE/DAY	20 JUNE 2023 / TUESDAY
TIME/DURATION	09:00 AM - 11:00 AM / 02 Hour(s) 00 Minute(s)

INSTRUCTIONS TO CANDIDATES :

1. Please read the instruction under each section carefully.
2. Candidates are reminded not to bring into examination hall/room any form of written materials or electronic gadget except for stationery that is permitted by the Invigilator.
3. Students who are caught breaching the Examination Rules and Regulation will be charged with an academic dishonesty and if found guilty of the offence, the maximum penalty is expulsion from the University.

(This Question Paper consists of 6 Printed Pages including front page)

DO NOT OPEN THE QUESTION PAPER UNTIL YOU ARE TOLD TO DO SO

Kertas soalan ini mengandungi TIGA (3) bahagian. Jawab SEMUA soalan pada bahagian A, B dan C. Jawapan hendaklah ditulis di dalam kertas jawapan yang disediakan. [30 MARKAH]

BAHAGIAN A

(10 Markah)

1. Bahasa Melayu yang terletak dalam lingkungan Nusantara menjadikan _____ sebagai rumpun bahasanya.
 - A. Tibet-China
 - B. Melanesia
 - C. Austroasia
 - D. Austronesia

2. Teori asal usul bahasa Melayu menurut Asmah Haji Omar adalah terletak di _____.
 - A. Asia Tengah
 - B. Nusantara
 - C. Pulau Borneo
 - D. Kepulauan Sunda

3. Antara yang berikut, yang manakah menunjukkan fungsi bahasa Melayu Moden?
 - I Bahasa komunikasi
 - II Bahasa Kebangsaan
 - III Bahasa perpaduan
 - IV Bahasa pendidikan
 - A. I dan II
 - B. I, II, III
 - C. II, III, IV
 - D. Semua di atas

4. Antara ayat yang berikut, yang manakah dapat menunjukkan kesantunan berbahasa apabila berkomunikasi dengan individu yang tidak dikenali?
 - A. "Pergilah ambil barang saya itu".
 - B. "Puan, sila tunggu sebentar".
 - C. "Kakak, dimanakah pejabat pendaftaran?".
 - D. "Dia dianugerahkan sebagai profesor semalam", jawab Anuar kepada penemuduga.

5. Kumpulan bunyi konsonan yang manakah kesemuanya tergolong dalam bunyi letupan?
 - A. [s, l]
 - B. [m, n]
 - C. [r, c]
 - D. [p, b]

6. Antara yang berikut, perkataan yang manakah menunjukkan suku kata tertutup?

- I Belukar
- II Masalah
- III Senangin
- IV Sempurna

- A. I dan II
- B. I dan IV
- C. I, II dan III
- D. II, III dan IV

7. Antara ciri-ciri laras bahasa kreatif ialah _____.

- A. menggunakan bahasa yang mempunyai unsur bahasa berimajinasi
- B. mengandungi unsur pujukan
- C. menggunakan ayat yang padat
- D. menggunakan tatabahasa yang sempurna

8. Pilih pola ayat dasar bahasa Melayu mengikut susunan subjek dan prediket.

- I FN + FK
- II FK + FS
- III FN + FN
- IV FS + FN

- A. I dan II
- B. I dan III
- C. II dan IV
- D. III dan IV

9. Aminah didera oleh suaminya sehingga badannya menjadi *kurus-kering*.

Perkataan bercondong dalam ayat di atas tergolong dalam penggandaan _____.

- A. separa
- B. penuh
- C. berentak
- D. berentak vokal

10. Apakah maksud peribahasa 'bagai murai dicabut ekor'?

- A. Sangat sedih
- B. Sama padan dan secocok
- C. Orang yang banyak bercakap
- D. Wajah perempuan yang sangat cantik

BAHAGIAN B

(10 Markah)

Pilih dan jawab hanya **LIMA (5)** soalan sahaja.

- 1) Jelaskan mengapakah bahasa Melayu dipilih sebagai bahasa kebangsaan?. (2 markah)

- 2) Huraikan maksud simpulan bahasa ini 'anak angkat' dan berikan **SATU (1)** contoh ayat yang bersesuaian dengan simpulan bahasa tersebut? (2 markah)

- 3) Berikan **DUA (2)** contoh perkataan yang mengandungi pola suku kata KV+KV+KV. (2 markah)

- 4) Lakarkan kedudukan bunyi vokal depan luas dan bunyi vokal tengah dalam rajah 1 di bawah (2 markah)



Rajah 1

- 5) Berikan **DUA (2)** contoh ayat yang menggunakan pola FN+FSN. (2 markah)

- 6) Berikan **DUA (2)** ciri-ciri yang perlu ada untuk menjadi pengacara majlis. (2 markah)

- 7) Berikan **DUA (2)** ciri-ciri laras bahasa sukan. (2 markah)

BAHAGIAN C

(10 Markah)

Baca petikan teks di bawah kemudian jawab soalan yang dikemukakan dengan menggunakan ayat sendiri.

Bahasa Melayu mempunyai kedudukan istimewa di negara ini. Pada masa ini bahasa Melayu menjadi bahasa kebangsaan empat buah negara, iaitu Indonesia, Malaysia, Brunei Darussalam dan Singapura. Bahasa Melayu telah digunakan di kawasan ini (Kepulauan Melayu) sejak wujudnya kerajaan-kerajaan Melayu tua seperti Kerajaan Campa dan Langkasuka. Zaman yang penting bagi bahasa Melayu ialah zaman kerajaan Melaka iaitu keagungan kerajaan Melayu.

Walaupun Kerajaan Melayu Melaka tewas di tangan Portugis pada 1511 dan orang-orang Barat mula menguasai daerah Kepulauan Melayu, peranan bahasa Melayu kekal sebagai *lingua franca* antara mereka dengan masyarakat pribumi dan antara ahli-ahli masyarakat pribumi yang menuturkan pelbagai bahasa yang berlainan. Van Linschotten, seorang pegawai Belanda yang pernah tinggal di Indonesia antara 1586-1592 telah membuat kenyataan bahawa bahasa Melayu pada masa itu bukan sahaja sangat harum namanya tetapi juga dianggap sebagai bahasa yang paling dihormati antara bahasa-bahasa di kawasan itu. Demikian juga, pada awal abad ke-18, Francois Valentijn, seorang pendeta dan ahli sejarah bangsa Belanda yang banyak menulis tentang sejarah wilayah Kepulauan Melayu telah membuat kenyataan berikut tentang bahasa Melayu:

“Bahasa mereka, bahasa Melayu, bukan sahaja dituturkan di daerah pinggir laut, tetapi juga digunakan di seluruh Kepulauan Melayu dan di segala negeri-negeri Timur, sebagai suatu bahasa yang difahami di mana-mana sahaja oleh setiap orang, tidak ubah seperti bahasa Perancis atau Latin di Eropah, atau sebagai bahasa *lingua franca* di Itali dan Levant.”

Satu bukti lagi tentang tingginya martabat bahasa Melayu dan luas penggunaannya di wilayah ini adalah pada surat-menyurat antara pentadbir Barat dengan raja-raja di Kepulauan Melayu. Contohnya ialah surat Sultan Aceh kepada kapitan Inggeris, James Lancaster, dalam tahun 1601, surat Sultan Alauddin Shah dari Aceh kepada Harry Middleton (kira-kira tahun 1602) dan surat Sultan Aceh kepada raja Inggeris, James I. Ketiga-tiga surat ini, dalam bahasa Melayu dan tulisan Jawi, ada tersimpan di Perpustakaan Bodleian, London.

Dari segi undang-undang, kedudukan bahasa Melayu amat teguh. Pertama, bahasa Melayu pada tahun 1957 telah dimaktubkan dalam Perlembagaan sebagai bahasa kebangsaan. Perkara 152 Perlembagaan mengatakan: “Bahasa kebangsaan ialah bahasa Melayu dan hendaklah ditulis dalam apa-apa tulisan sebagaimana yang diperuntukkan oleh undang-undang melalui Parlimen.” Akta Bahasa Kebangsaan 1963/1967 - Akta 32, Kemas Kini 2006 pula menetapkan bahawa “Bahasa kebangsaan (bahasa Melayu) hendaklah digunakan bagi maksud rasmi”. Dengan kata lain, bahasa Melayu telah dinobatkan untuk digunakan dalam semua urusan rasmi negara, sama ada di peringkat kerajaan persekutuan, negeri, tempatan mahupun oleh badan-badan berkanun.

Namun begitu, pada akhir tahun 1980-an, *awan mendung mula berarak*, dibawa masuk oleh orang Melayu sendiri yang semakin risau dengan kemerosotan penguasaan bahasa Inggeris dalam kalangan para pelajar dan remaja kita. Golongan ini, tanpa alasan yang munasabah, berpendirian bahawa penggunaan bahasa Melayu sebagai bahasa pengantar di sekolah telah menyebabkan gejala kemerosotan bahasa Inggeris ini. Jika pelajar kita tidak dapat menguasai bahasa Inggeris setelah 11 tahun persekolahan, mengapakan bahasa Melayu dipersalahkan? Mengapa tidak dilihat dari segi faktor-faktor lain,

seperti teknik pengajaran dan pembelajaran, taraf motivasi pelajar dan peluang untuk menggunakan bahasa Inggeris?

Tokoh yang amat ketara dalam kalangan usaha peminggiran bahasa Melayu ialah mantan Perdana Menteri, Tun Dr. Mahathir Mohamad. Sewaktu mengutarakan Wawasan 2020, beliau melihat bahasa Melayu sebagai ancaman besar kerana bagi beliau, kemajuan negara ini bergantung pada penguasaan bahasa Inggeris. Pada beliau, bahasa Melayu, bahasa kebangsaan dan lambang jati diri negara, tidak mempunyai apa-apa peranan dalam perancangan masa depan Malaysia. Maka bermulalah cabaran-cabaran besar bagi Malaysia dalam abad ke-21 yang perlu ditangani jika kita masih berbangga dengan kedaulatan negara kita.

Sikap menganggap bahasa Inggeris penting telah tersemat dalam jiwa kebanyakan ahli masyarakat kita, lanjutan kepada keadaan pada zaman penjajahan dahulu. Satu sebab ialah kerana mereka telah memperoleh pendidikan dalam bahasa Inggeris dan kecintaan terhadap bahasa Melayu tidak pernah dipupuk dalam jiwa mereka. Oleh sebab sebahagian daripada mereka yang yakin dengan kepentingan bahasa Inggeris ini terdiri daripada pucuk pimpinan dan orang-orang yang memegang jawatan utama dalam sektor awam dan swasta, penggunaan bahasa Inggeris semakin berleluasa. **Orang-orang besar kita** dan ketua-ketua pengurusan tinggi, sewaktu menyampaikan ucapan atau taklimat dengan senang hati menggunakan bahasa Inggeris. Nama-nama bangunan dan institusi sekian lama sudah tidak lagi mencerminkan jiwa bahasa kebangsaan. 'Pudu Raya' berubah menjadi *Pudu Central*. 'Pusat Transformasi Bandar' dengan megahnya dilaung-laungkan sebagai UTC (*Urban Transformation Centre*). *Bangsar South* serta *Bangi Gateway* dan *Melaka Gateway* bermain-main di bibir warganegara padahal apa salahnya jika dikatakan 'Bangsar Selatan' dan 'Gerbang Bangi/Gerbang Melaka'.

Dipetik daripada Utusan Online 07 Ogos 2017

1. Bahasa Melayu telah menjadi *lingua franca* sekitar abad ke-15 hingga abad ke-18. Namun, apakah yang anda faham mengenai *lingua franca*? Nyatakan pendapat anda. (2 markah)
2. Berikan **DUA (2)** peranan bahasa Melayu sebagai bahasa rasmi? (2 markah)
3. Apakah yang anda faham mengenai bahasa kiasan *awan mendung mula berarak*? (1 markah)
4. Siapakah yang dimaksudkan dengan *orang-orang besar kita* dalam perenggan terakhir? (1 markah)
5. Mengapakah penggunaan bahasa Inggeris bagi menamakan sesuatu tempat lebih mendapat perhatian dalam masyarakat hari ini? (2 markah)
6. Berdasarkan pendapat anda, bagaimanakah cara yang berkesan untuk memelihara dan menjaga bahasa Melayu sebagai bahasa utama di negara ini? (2 markah)